



Republika e Kosovës

REPUBLICA E KOSOVËS - REPUBLIKA KOSOVO
KOMUNA E VUSHTRISË - OPŠTINA VUČITRAN

01 Nr. / Br 81 / 18

Nr. i fq. / Br. st - 1 -

Data / Datum 29. 03. 2018

VUSHTRRI - VUČITRAN



Kuvendi i Komunës- Vushtrri

Në mbështetje të nenit 12.2 Pika "d", nenit 40.2 pika "c" të Ligjit Nr.03/L-040 për Vetëqeverisje Lokale, nenit 9 pika 1.2 të Ligjit Nr. 06/L-020 të Buxhetit të Republikës së Kosovës për vitin 2018, si dhe në bazë të nenit 41.2 pika "ç" të Statutit të Komunës, Kuvendi i Komunës së Vushtrrias në mbledhjen e mbajtur më datë **29 mars 2018** mori këtë:

VENDIM

PËR NDRYSHIMIN E VENDIMIT ME NR.50/18 I DATËS 22.02.2018 PËR BARTJEN E TË HYRAVE VETANAKE NGA VITI 2017 NË VITIN 2018

1.Me këtë vendim bëhet ndryshimi i vendimit i Kuvendit të Komunës së Vushtrrisë me Nr.50/18 i datës 22.02.2018 për bartjen e të hyrave vetanake nga viti 2017 në vitin 2018 në kategoritë si në vijim:

| | |
|------------------------------------|--------------|
| 1.1 Paga dhe mëditje | 1,253.99 € |
| 1.2 Mallra dhe shërbime | 91,427.70 € |
| 1.3 Shpenzime komunale..... | 4,828.97 € |
| 1.4 Subvencione dhe transfere..... | 166.00 € |
| 1.5 Investime kapitale | 893,284.26 € |

Totali i mjeteve të bartura990,960.92 €

2. Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.

3.Pjesë përbërëse e këtij vendimi janë tabela për shpenzimet operacionale dhe tabela e shpenzimeve kapitale.

4. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



Republika e Kosovës

| | |
|--|------------|
| REPUBLIKA E KOSOVËS - REPUBLIKA KOSOVO | |
| KOMUNA E VUSHTRISË - OPŠTINA VUÇITRAN | |
| 01 Nr. / Br | 82/18 |
| Nr. i fq. / Br. st | - 1 - |
| Data: / Datum | 29.03.2018 |
| VUSHTRRI - VUÇITRAN | |



Kuvendi i Komunës- Vushtrri

Në bazë të nenit 12.2 "d" të Ligjit nr. 03/L-40/2008 për Vetëqeverisjen Lokale, nenit 6,7,10, pika 1.5 të Ligjit për Dhënie në Shfrytëzim dhe Këmbimin e Pronës së Paluajtshme të Komunës Nr.04/L-144, nenit 11,12,20, pika 11 të Rregullores QRK, nr.23/2013 për Caktimin e Procedurave të Dhënies në Shfrytëzim dhe Këmbim të Pronës së Paluajtshme të Komunës, si dhe nenit 41.2 "ç" të Statutit të Komunës së Vushtrrisë, Kuvendi i Komunës në mbledhjen e mbajtur më **29 mars 2018** miratoi këtë:

VENDIM


PËR DHËNIEN NË SHFRYTËZIM AFATGJATË TË PRONËS SË PALUAJTSHME TË KOMUNËS PA KOMPENSIM, MINISTRISË TË PUNËVE TË BRENDSHME-AKADEMISË SË KOSOVËS PËR SIGURI PUBLIKE

1. Me këtë vendim jepet në shfrytëzim pa kompensim pjesë nga parcela P-70202016-02358-1, ZK-Vushtri, pronë e Komunës së Vushtrrisë, në sipërfaqe prej 4000 m², nga sipërfaqja e përgjithshme e parcelës prej 45655m².
2. Paluajtshmëria e cekur në nenin 1 të këtij vendimi i jepet në shfrytëzimin pa kompensim, në afat prej 99 vitesh, Ministrisë të Punëve të Brendshme – Akademisë së Kosovës për Siguri Publike, për ndërtimin e objektit të Fakultetit për Shkenca të Sigurisë Publike.
3. Për zbatimin e këtij vendimi obligohen: Drejtoria për Urbanizëm dhe Mbrojtje të Mjedisit dhe Drejtoria për Gjeodezi, Kadastër dhe Pronë.
4. Pjesë përbërëse e këtij vendimi është certifikata e pronës dhe kopja e planit.
5. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



Republika e Kosovës

Kuvendi i Komunës- Vushtrri

Në bazë të nenit 12.2 pika "d" të Ligjit Nr.03/L-40 për Vetëqeverisjen Lokale, nenit 24 të Ligjit për Energji nr.05/L-081, nenit 6, 7, 10, pika 1.5 të Ligjit për Dhënie në Shfrytëzim dhe Këmbimin e Pronës së Paluajtshme të Komunës Nr.04/L-144, nenit 11,12,20, pika 11 të Rregullores QRK NR.23/2013 për Caktimin e Procedurave të Dhënies në Shfrytëzim dhe Këmbimit të Pronës së Paluajtshme të Komunës, si dhe nenit 41.2, pika "ç" të Statutit të Komunës së Vushtrrisë, Kuvendi i Komunës së Vushtrrisë në mbledhjen e mbajtur më **29 mars 2018** mori këtë:

VENDIM


PËR KORRIGJIMIN E VENDIMIT NR.52/18 I DATËS 22/02/2018

1. Me këtë vendim korrigohet vendimi nr.52/18 i datës 22/02/2018 për dhënie në shfrytëzim afatgjatë të pronës së paluajtshme pika një (1), paragrafi një (1.1) dhe dy (2) i këtij vendimi.
2. Pika 1, paragrafi 1 dhe 2 i vendimit korrigohen me sa vijon:
 - 2.1. Parcela Kadastrale 00557-0 duhet të jetë Parcela Kadastrale 00557-1;
 - 2.2. Parcela Kadastrale 263, Zona Kadastrale Pantinë duhet të jetë P- 263-K Zona Kadastrale Hercegovë.
3. Pjesët tjera të vendimit mbesin të pandryshuara.
4. Për zbatimin e këtij vendimi obligohen Drejtoria për Gjeodezi, Kadastër dhe Pronë dhe Drejtoria për Urbanizëm dhe Mbrojtje të Mjedisit.
5. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



Republika e Kosovës

Kuvendi i Komunës-Vushtrri

Bazuar në nenin 12.2, pika d të Ligjit Nr.03/L-040 për Vetëqeverisje Lokale lidhur me nenin 34 të Ligjit Nr.02/L-53 për Gjuetinë, nenit 3 të Udhëzimit Administrativ nr.06/2009 për Dhënie në Menaxhim të Vendgjuetive të Përbashkëta dhe nenin 40.2 pika k, të Statutit të Komunës, Kuvendi i Komunës në mbledhjen e mbajtur më datë **29 mars 2018** mori këtë:

**VENDIM
PËR DHËNIE NË SHFRYTËZIM ME KOMPENSIM TË VENDGJUETIVE TË
PËRBASHKËTA**

1. Me këtë vendim lejohet dhënia në shfrytëzim me kompensim e vendgjuetive të përbashkëta e konstatuar nga organet gjegjëse, në bazë të sipërfaqeve të përgjithshme të vendgjuetive të cekura si më poshtë:

1.1. Shalë.....20.695,09 ha

1.2. Çyqavica.....13.785,34 ha

2. Dhënia në shfrytëzimin e vendgjuetive të cekura në pikën 1 të këtij propozim vendimi bëhet nëpërmes shpalljes publike-ankandit. Të drejtat dhe detyrimet që rrjedhin nga ky propozim vendim do të rregullohen me kontratë të veçantë konform dispozitave ligjore në fuqi.

3. Afati i dhënies në shfrytëzim të vendgjuetive është 10 vite.

4. Për zbatimin e këtij vendimi obligohen: Kryetari i Komunës, Drejtorja për Prokurim dhe Drejtorja për Ekonomi, Bujqësi, Pylltari dhe Zhvillim Rural.

5. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu


Kryesues i Kuvendit





REPUBLIKA E KOSOVËS - REPUBLIKA KOSOVO
KOMUNA E VUSHTRRIË-OPŠTINA VUÇITRRI

01 Nr. / Br 85/18

Nr. i fq. / Br. st - 1 -

Data / Datum 29. 03. 2018

VUSHTRRI - VUÇITRRI



Republika e Kosovës

Kuvendi i Komunës-Vushtrri

Në bazë të nenit 51.1 të Ligjit Nr.03/L-040 për Vetëqeverisje Lokale, nenit 55.3 të Statutit të Komunës së Vushtrrisë, si dhe nenit 9 të Udhëzimit Administrativ (MAPL) Nr.03/2014 për Procedurën e Themelimit, Përbërjen dhe Kompetencat e Komiteteve të Përhershme në Komunë, Kuvendi i Komunës së Vushtrrisë në mbledhjen e mbajtur më **29 mars 2018** mori këtë:

VENDIM


PËR PLOTËSIMIN E VENDIMIT ME NR.56/18 I DATËS 22.02.2018 PËR EMËRIMIN E ANËTARËVE TË KOMITETIT PËR KOMUNITETE

1. Me këtë vendim plotësohet vendimi i Kuvendit të Komunës me Nr. 56/18 i datë 22.02.2018 lidhur me emërimin e anëtarëve të Komitetit për Komunitete të Kuvendit të Komunës së Vushtrrisë, kështu që znj. Fatmire Saraçi nga radhët e PDK-së emërohet anëtare e Komitetit për Komunitete.
2. Për zbatimin e këtij vendimi obligohen: Drejtorja për Buxhet dhe Financa dhe Sekretaria e Kuvendit të Komunës së Vushtrrisë.
3. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



Republika e Kosovës

Kuvendi i Komunës- Vushtrri

Kuvendi i Komunës së Vushtrrisë, në mbledhjen e mbajtur më **29 mars 2018**, pas shqyrtimit të Draft-Rregullores për Përcaktimin e Kritereve të Ndarjes së Mjeteve Financiare nga Fondi për Transfere dhe Subvencione Personave Juridike – OJQ dhe Ndihmë Momentale Personave Fizike të Komunës së Vushtrrisë, duke u bazuar në nenin 12.1, pika “d” të Ligjit Nr. 03/L-040 për Vetëqeverisjen Lokale, nenin 12 të Statutit të Komunës, nenin 8 të Udhëzimit Administrativ (MAPL) Nr. 01/2015 për Transparencë nëpër Komuna, si dhe nenin 2 të Rregullores për Transparencë 01Nr.99/13, dt. 25.04.2013, mori këtë:

VENDIM PËR DHËNIE NË DISKUTIM PUBLIK

1. Jepet në diskutim publik Draft-Rregullorja për Përcaktimin e Kritereve të Ndarjes së Mjeteve Financiare nga Fondi për Transfere dhe Subvencione Personave Juridike – OJQ dhe Ndihmë Momentale Personave Fizike.
2. Diskutimi publik fillon nga data 06 prill 2018 dhe zgjat deri më 07 maj 2018.
3. Obligohet Zyra komunale për informim që të ndërmerrë masa për informim të qytetarëve lidhur me diskutimin publik, konform dispozitave të Udhëzimit Administrativ për Transparencë në Komuna dhe konform nenit 9.2 dhe 9.4 të Rregullores për Transparencë 01 Nr.99/13, dt. 25.04.2013.
4. Obligohen Drejtoria për Shëndetësi dhe Përkujdesja Sociale dhe Drejtoria për Kulturë, Rini dhe Sport që si propozues të draft-rregullores në fjalë të organizojë diskutim publik konform Udhëzimit Administrativ (MAPL) Nr. 01/2015 për Transparencë në Komuna dhe nenit 9.5 të Rregullores për Transparencë 01 Nr.99/13, dt. 25.04.2013. Gjithashtu obligohen drejtoritë e sipërcekura që vërejtjet eventuale, sugjerimet apo propozimet për ndryshime t’ia prezantojnë Kuvendit të Komunës në rastin e shqyrtimit të dytë të draft-rregullores në fjalë në mbledhjen e kuvendit në muajin maj 2018.
5. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu

Kryesues i Kuvendit

